

Rumornan na tera frieu ta indica

Joep van Nieuwenhuizen lo a huy pa Suiza

ORANJESTAD (AAN) Ayera redaccion di DIARIO a haya diferente yamada di coleganan periodista di Hulanda kendenan tabata busca informacion pa loco riba paradero di e miyonario Joep van den Nieuwenhuizen kende a haya su mes envolvi den escandalo biyonario na Hulanda.

Na Aruba Joep ta doño di e proyecto Tierra del Sol y aki e escandalo di Tierra del Sol tin hopi hende preocupa pasobra hopi doño di propiedad na Tierra del Sol ta teme cu e proyecto lo bati bancarota na momento cu for di exterior nan bin pone beslag riba Tierra del Sol. Esnan di Tierra del Sol

tabata para riba cu e proyecto na Aruba no ta cay bao di e compania madre di Joep cual ta RDM, pero for di Hulanda periodistanan cu ta haciendo investigacionnan basta profundo, ta indicando cu Tierra del Sol ta cay bao di RDM y te hasta ayera for di Hulanda nan tabata manda informacionnan cu RDM su

bancarota a worde pidi na Curacao caminda cu e compania madre ta estableci. Segun periodistanan di Hulanda, nan a haya di tende cu Joep a schrijf su mes uit na Censo na Curacao y cu e lo a baha na awa pa Suiza. Si e rumornan aki ta cuadra cu e berdad anto e escandalo

di Joep van den Nieuwenhuizen a yega su punto culminante y esaki lo por bay tin consecucionan serio pa tur compania cu tabata cay bao di e dominio di Joep kende lo a malversa basta miyon di diferente compania y tambe di gobierno Hulandes.

Bagamunderia den Galeria di Arte cu strip tease

ORANJESTAD(AAN) For di diferente hende cu a bay na un presentacion na un galeria di arte den Playa, redaccion a haya comentario y criticanan basta pisa pa cu un strip tease show cu e galeria a organiza siman pasa.

Esnan cu ta amante di arte y cu ta sostene arte na Aruba, ta puntra nan mes; kico un galeria di arte tin di haci cu un show di strip tease?

Aparentemente algun stripper di exterior a worde busca pa asina duna show y tabata tin pasamento di man y sneifu atrobe mescos cu tabata e caso durante un show cu recientemente a tuma lugar na Aruba y cu a causa basta problema cerca diferente pareha.

E galeria lo a cobra balente placa pa carhi pa e show y

esnan cu ta sostene arte ta haya cu un galeria cu ta respeta su mes no mester mete su mes den tipo di negoshinan asina cu ta duna arte un mal number y riba dje nan tabata puntra nan mes si un galeria di arte tin permit pa haci tipo di cosnan asina.

Nada contento cu Premier Oduber

ORANJESTAD (AAN): Nan ta mira cu Prome Ministro Oduber a bay mete den "asuntonan interno" di Isla di Bonaire. Esey ta loke Ramoncito Booi di Partido UPB a splica na prensa.

Varios dignatario di Aruba a bay Bonaire, pa asina duna un discurso riba e experiencianan di Aruba desde cu 1986 cu el a haya autonomia. Segun Partido UPB, e delegacion di Aruba

no tabatin "nada di bin haci na Bonaire", y mihor a keda


Aruba pa atende e asunto urgente di Horcan.

Polisnan a cancela nan "accion"

ORANJESTAD (AAN): Sindicato di Polis a anuncia Diamars, cu nan a "cancela" e accion cu nan tabatin planea pa tuma, relaciona cu nan malcontento cu Gobierno y medidanan nobo y incumplimento di

promesanan.

Segun a ser bisa, cu esaki ta worde haci pa asina Polisnan yuda Aruba durante e temporada dificil awor cu Horcan Ivan lo pasa aki banda.



BEST DEAL


Tel: 5827100

(Pariha di Aruba Bank, Paradera)

BEST SHOPPING DEAL

Turibana Plaza

Tel: 5865455



**Kashi pa paña
antes Afl. 45,-**

Awor Afl. 29,95